

ի զօրապետացն ապստամբեցան ՚ի նմանէ՛  
 և բազում աշխարհաց արևմտից տիրեցին,  
 և զամենայն հարկսն թագաւորին իւրեանց  
 առին, և բազում անձինս կոտորեցին, և տի-  
 բեցին բոլոր Իտալիոյ ժԻ. տարի: Ասն  
 Ա.ոնի՛ ասեն՝ ՚ի յազգէն Հայոց լինել, և  
 էր՝ ասեն՝ տեղեալ Մծբնեցի և աղքատ  
 շինական. և յաւուր միում մինչ աշխա-  
 տեալ էր և ննջեալ ՚ի ներքոյ ծառի միում,  
 եկին առ նա արք երեք Հրեայք, և խի-  
 թեալ զնա՝ ասեն, ընդէր յանհոգս ննջես  
 թագաւոր աշխարհի: Աւ նա զարթու-  
 ցեալ՝ ասէ, զի՞ է, զի՞ ասացիք ինձ շինակա-  
 նիս թագաւոր: Աւ նոքա՝ ասեն, մեք որդիք  
 մարգարէից եմք և Աստուած յայտնեաց  
 մեզ վասն քո՝ որ թագաւոր լինելոց ես:  
 Արդ՝ արի՛ և գնա՛ ՚ի Առստանդնուպօլիս.  
 բայց ուխտեա՛ Աստուծոյ, զի յայնմ ժա-  
 մուն՝ յորում թագաւորեսցես, զոր ինչ  
 հրաման լիցի քեզ Աստուծոյ՝ ՚ի մնջ  
 ուեալ՝ կատարեսցես, զի հաստատեսցի  
 թագաւորութիւն քո: Աւ սորա գնացեալ